

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06) i člana 7. Statutarne Odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj: 1/14, 3/15, 7/15 i 12/15), Gradonačelnik Grada Tuzla donosi

PRAVILNIK

za korištenje sredstava iz Budžeta Grada Tuzle sa pozicije „Izdaci za manifestacije od posebnog značaja za grad,,

Član 1.

Ovim Pravilnikom uređuje se način korištenja sredstava sa pozicije, **ekonomski kod- 613991-3 „Izdaci za manifestacije od posebnog značaja za grad. ”**

Član 2.

Manifestacije od posebnog značaja za grad su manifestacije za koje Gradonačelnik Grada Tuzle donosi Odluku o organizaciji.

Član 3.

Gradonačelnik donosi Odluku o organizaciji manifestacije kojom se definiše način organizacije, period održavanja te Služba nadležna za realizaciju.

Za potrebe organizacije manifestacije Gradonačelnik posebnim Rješenjem imenuje Organizacioni odbor.

Predsjednik Organizacionog odbora manifestacija od posebnog značaja za grad je Gradonačelnik ili osoba koju on ovlasti.

Za članove Organizacionog odbora mogu se imenovati uposlenici Gradske uprave, javnih ustanova kulture, javnih preduzeća, predstavnici organa nadležnih za pitanja javnog reda i sigurnosti, privrednog i nevladinog sektora, kao i pojedinci koji svojim iskustvom mogu doprinijeti uspješnoj organizaciji manifestacije.

Rad članova Organizacionog odbora je volonterski.

Član 4.

Zadatak Organizacionog odbora iz člana 3. ovog Pravilnika je provođenje svih aktivnosti na pripremi i realizaciji Manifestacije, odnosno Organizacioni odbor obavlja sljedeće poslove:

- utvrđuje prijedlog programa manifestacije, sa iznosom sredstava potrebnih za njegovu realizaciju koji dostavlja ga nadležnoj Službi na usvajanje,
- vrši odabir i daje prijedlog učesnika/izvođača umjetničkog dijela programa, a koji se odnosi na koncerte, izložbe, radionice, performanse i sl. i isti dostavlja nadležnoj Službi na usvajanje,
- koordinira aktivnosti na medijskoj promociji manifestacije,

- koordinira aktivnosti svih učesnika u cilju ostvarenja usvojenog programa.

Član 5.

Pomoćnik gradonačelnika nadležne Službe donosi Program utroška po ovoj oblasti finansiranja. Pomoćnik gradonačelnika nadležne Službe, na prijedlog Organizacionog odbora donosi konačan program Manifestacije, sa finansijskim planom i stara se o njegovoj zakonitoj i blagovremenoj realizaciji.

Član 6.

Sve nabavke potrebnih usluga, kao što su: hotelski smještaj, ugostiteljske usluge, angažovanje učesnika umjetničkog dijela programa, obezbjeđenje tehničkih, zaštitarskih i drugih logističkih uslova za uspješnu realizaciju manifestacije, i sl. provoditi će se primjenom odgovarajućeg postupka propisanog Zakonom o javnim nabavkama BiH („Službeni glasnik BiH“, broj: 39/14), osim ukoliko se radi o uslugama koje su izuzete od primjenjivanja odredaba Zakona o javnim nabavkama („Službeni glasnik BiH“, broj 39/14).

Član 7.

Ovaj Pravilnik stupa na snagu narednog dana od dana objavljivanja u „Službenom glasniku Grada Tuzla“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK

GRADONAČELNIK

Jasmin Imamović, dipl.pravnik

Broj: 02-05-A-2108-2019
Tuzla, 25. 3. 2019.